

# جریدہ علمیہ

مشیتِ جلیلہ اسلامیہ نمک جریدہ رسمید

جمادی الاخرہ ۱۳۳۴ [\*]

عدو: ۲۴

آیدہ بر نشر اول نور

اوپنجی سنہ

## فتاویٰ شریفہ

شیخ فانی اولوب صومدن عاجز اولان زید نہار رمضانده افطار ایدوب فدیہ ویرمک

جائز اولورمی الجواب : اولور .

بوصورتده زیدک ہربرکون ایچون دیلر سہ بغدادین یاخود اوزومدن نصف صاع دیلر سہ خرماندن یاخود ارپہدن بر صاع مقداری فقرا یہ تصدق ایتمی فدیہ اولورمی

الجواب : اولور .

بوصورتده زید فدیہ مذکورہ لڑک دیلر سہ جملہ سنی ابتداء رمضانده دیلر سہ آخرنده

ویرمک جائز اولورمی الجواب : اولور .

★ ★

زید قزی هند بالغہ یی هندک اذنتسز عمروہ تزویج ایلسہ هند واقفہ اولدقدہ قبول

ایتمیوب رد ایدیجک عقد مزبور باطل اولورمی الجواب : اولور .

[\*] بعض اسباب طولانیسیلہ نشری تأخر ایدن یونسرخده متأخر تاریخلی بعض مواد دخی

مندرجدر .

زید نسباً اوغلی عمروك رضاغا قز قرنداشی هندى تزوج ایتك جائز اولورمی  
الجواب : اولور .

★  
★ ★

زیدك زوجہسى هنددن متولد اوغلی عمرو زیدك زوجہ اخراسی زینبك زوج آخردن  
متولده قزی خدیجہنى تزوج ایتك جائز اولورمی الجواب : اولور .

★  
★ ★

طلاق  
هندك زوجی زیده عورتك وارمیدر دینلده زید یوقدر دیسه مجرد بویله دیمکله  
هند زیددن بوش اولورمی الجواب : اولماز .

★  
★ ★

نفقه  
زید صغیر فقیرك باباسی عمرو معسر و کسبدن عاجز اولسه باباسنك باباسی بکر موسر عمرو  
رجوع ایتك اوزره زیدی انفاقه مجبور اولورمی الجواب : اولور .

★  
★ ★

زیدك زوجہسى هند زیدك منزلدن زیدك اذنسنز بغیر حق خروج ایدوب بر مدت  
قرنداشی عمروك منزله ناشزه ساکنه اولسه هند اول مدته نفقه به مستحقه اولورمی  
الجواب : اولماز .

★  
★ ★

زید آخر دیاره کتد کدنصکره زوجہسى هند تقدیر قاضی یاخود تراضی یوغیکن  
بر مدت کندی مالیه کچنسه زید کلده کده هند مدت مزبوره ایچون زیددن نفقه بها نامنه  
نسبه المغه قادره اولورمی الجواب : اولماز .

★  
★ ★

زوجی اولمیان هند فقیرهك آخر دیارده اولان قزی زینب موسر دن غیری کسنهسى

اولماغله هند قاضی یه واروب زینب اوزرینه کندویه قدر معروف یومی شو قدر غروش  
نقغه تقدیر ایتدیروب استدانه یه اذن آلدقن صکره برمدت استدانه ایله کچنسه زینب  
کلدکه هند نقغه مستدانه یی زینبندن آلمغه قادره اولورمی الجواب : اولور

★  
★ ★

هند فقیره نك زوجی زید معسر وکسبدن عاجز اولوب هندك باباسی عمرو و لابوین  
ارقرنداشی بکردن غیری کیمسه سی بولمیوب لکن عمرو دخی معسر وکسبدن عاجز  
اولوب بکر موسر اولسه بعده زید موسر اولدقه زیده رجوع ایتك اوزره هندك  
نقغه سی یالکز بکر اوزرینه لازمه اولورمی الجواب : اولور

★  
★ ★

زوجی اولیان هند فقیره نك لابوین ارقرنداشی زید ایله لابوین عمی عمرودن غیری  
کمنه سی اولیوب لکن زید معسر اولوب عمرو موسر اولسه هندك نقغه سی زید اوزرینه  
لازمه اولیوب عمرو اوزرینه لازمه اولورمی الجواب : اولور

★  
★ ★

زوجی اولیان هند موسره نك نقغه سی باباسی زید اوزرینه لازمه اولیوب کندی  
مالندن لازمه اولورمی الجواب : اولور

★  
★ ★

زیدك <sup>سکئی ونقغه</sup> زوجة مدخول بهاسی هند زیدك منزله ساکنه ایکن زید هندی تطلیق  
ایلسه عدتی منقضیه اولنجه یه قدر منزل مزبورده ساکنه اولیوب بغیر وجه شرعی آخر  
منزله چیقماغه قادره اولورمی الجواب : اولماز

بو صورتده هند منزل مزبوردن بغیر حق خروج ایدوب زیدك اسکاننسر برمدت  
آخر منزله ساکنه اولسه اول مدته نقغه یه مستحقه اولورمی الجواب : اولماز

★  
★ ★

حضانه

هند صغيره نك حاضنه سى اناسنك اناسى زينب نفسى صغيره يه اجنبى يه تزويج ايدوب  
صغيره نك لام عمه سى خديجه دن غبرى كيمه سى اولماسه صغيره نك حق حضانه سى  
خديجه نك اولورمى الجواب : اولور

★ ★

هند صغيره نك لابوين عمى زيد ايله لابوين خالى عمرودن غبرى كيمه سى اولماسه  
هندك حق حضانه سى زيدك اولورمى الجواب : اولور

★ ★

استبدال وقف

توليت وسكناسى اولاده مشروطه اولان وقف منزلى اولاددن متولى اولان زيد  
عمروك ملك منزليه شرائط استبدال موجوده اولدينى حالده رأى حاكم وامر سلطانى ايله  
استبداله قادر اولورمى الجواب : اولور

★ ★

مهور زمان

زيدك عمرو ايله ملك منزله متعلقه دعواسى انحق اون درت سنه اون بر ماه ترك  
اولنق استماعه مانع اولورمى الجواب : اولور

★ ★

هبة

زيد شو قدر اشياسنى اوغلى عمرو كيره هبه ايدوب لكن تسليم وقبض بولنمدين زيد  
فوت اولسه هبه مزبوره باطله اولورمى الجواب : اولور

★ ★

وديعه

زيد شو قدر اشياسنى عمروه ابداع وتسلم ايتدك دنصكره زيد اول اشيايى عمرودن  
طلب ايتدكده عمرو برمه دارينى ويروب ماعداسى تعدى وتقصير مسز سرقه اولندى زيد  
دخى ماعدايى استهلاك ايلدك ديو دعوى ايدوب طرفينك بينه لرى اولماسه عمرو اوزرينه  
رد و ضمان لازم اولماديغنه يمين ايدى بىك زيدك مطالبه سندن خلاص اولورمى الجواب : اولور

ولا:

هند معقه فوت اولوب انجق کندوی ازا ایدن زیدک اوغلی عمروی ترک ایتدکده

عمرو ترکه هندی احرازه قادر اولورمی الجواب : اولور

بو صورتده زیدک قزلی دخی هنده وارثه اولورلری الجواب : اولمازلر

★ ★

ارث

مدیونا فوت اولان زیدک دیوتی ادا ترکه سنی بین الورثه قسمت اوزرینه مقدم

اولورمی الجواب : اولور

★ ★

قروشیه فوت اولوب لابوین عمه سی اوغلی ملکنازی بی و آخر لابوین عمه سی قزی

انطوانیه بی ترک ایتدکده قروشیه نیک ترکه سی اوچ سهمدن اولوب ایکی سهمی ملکنازی به بر سهمی

انطوانیه به ویرلسه صحیح اولورمی الجواب : اولور

★ ★

هند فوت اولوب قزی زینک اوغلی زیدی وزینک اوغلی قزی خدیجه بی

ترک ایتدکده ترکه هند اوچ سهمدن اولوب ایکی سهمی زیده بر سهمی خدیجه به ویرلسه

صحیح اولورمی الجواب : اولور

بوصورتده هندک لابوین قزقنداشی اولادی دخی هنده وارث اولورلری الجواب :

اولمازلر

★ ★

هند فوت اولوب زوجی زیدی و لابوین خاله سی ارغلی عمروی ترک ایتدکده ترکه

هند مزبورلره سویا ویرلسه صحیح اولورمی الجواب : اولور

بوصورتده هندک خاله سی اوغلی قزی دخی هنده وارثه اولورمی الجواب : اولمازلر

★ ★

هند فوت اولوب انجق لابوین قزقنداشی قزی زینی ترک ایتدکده زینب ترکه

هندی احرازه قادره اولورمی الجواب : اولور



بۇ صورتدە ھەندىك خالى اولادى دىخى ھەندە وارث اولورلرمى الجواب : اولمازلر

زید فوت اولوب انجق لابوین خالی اوغلی <sup>\*\*\*</sup> عمروی ترک ایتدکده عمرو ترکه زیدی  
احرازه قادر اولورمی الجواب : اولور

بو صورتده زيدك لايون خالهسى اولادىنك اولادى دىخى زېده وارث اولورلرمى  
الجواب : اولمازلر

هند فوت اولوب زوجی زیدی و لایونین خالری عمرو و بکری و لایونین خاله سی  
 زینبی ترک ایتدکده ترک هندی اون سهدن اولوب بش سهمی زیده ایکیشر سهمی عمرو  
 و بکره بر سهمی زینبه ویرلسه صحیح اولورمی الجواب : اولور

بوصورتده هندك لابخاله سي دخي هنده وارته اولورمي الجواب : اولماز

کتاب الفقه فی المسائل

فقوا خانہ عالی قرار لری

وارثه وصیت و توریث و ایضاً به شهادت حقنده [\*]

ورثه دن بری حقنده وقوع بولان وصیتی موصینک وفاتندن صکره ورثه سائر

[\*] بو بایده آوستریا و مجارستان سفارتندن وقوعبولان استفتا صورتدر :

بر کیمسه بر زوجہ سی برده کریمہ سی و برده متوفی قرنداشی اوغلنی ترک ایدرک وقات ایتدکده  
ظہور ایدن بر وصیتنامہ سی ایلہ کافۃ اموالی زوجہ سنہ ترک ایلدیکی و حال حیاتندہ کریمہ صیلہ بر  
صورتلہ اوزلا شہرقی حقنی تسویہ ایتدیکنی و کریمہ سیدہ بوکا مقابل وراشتدن فراغت ایتدیکنہ دائر  
بر کاغذ و برمش اولدینی حالده قرنداشی اوغلی متوفانک ترکہ سندن بر حق الہیلورمی . الہ بیاور  
ایسہ نہ درجہ دہدر . و وصیتنامہ نیک درجۃ تأثیری نہ دن عبارتدر . وصیتک اثباتندہ قادینک شہادت  
مقبول و معتبرمدر ؟